

續修四庫全書

《續修四庫全書》編纂委員會編

續修四庫全書

上海古籍出版社

一一一・經部・春秋類

左氏條貫十八卷〔清〕曹基編……………一

春秋左傳姓名同異考四卷〔清〕高士奇撰……………一一一

春秋左傳杜注三十卷首一卷〔清〕姚培謙撰……………二五五

左氏條貫

〔清〕曹基編

據湖北省圖書館藏清康熙五十一年致和堂刻本影印原書版框
高一七四毫米寬二六二毫米

傳春秋者五家鄒夾已散佚不可考今存者獨左氏與公穀三家耳自漢以後持論各安所尚如漢武好公羊衛太子重穀梁宣帝開石渠而穀梁氏興哀帝令劉歆辨難迄建武始為左氏置博士賈逵鄭眾作左氏長義詆公穀何休又作公羊墨守左氏膏肓穀梁廢疾鄭康成復為發墨守鍼膏肓起廢疾而董仲舒則專信穀梁時又有左氏大官公羊賣餅之說蓋學左每詘公穀學公穀往往詘左勢固然也要而論之惟啖趙氏合三家所長務以通經為主庶幾知所輕重蓋左氏親見聖人

左氏條貫序

而公穀又皆子夏之高弟其立說自各有據依後人未可以臆見輕為軒輊固無俟焉融馮伉著三傳異同劉兆為三傳調人也第左氏原本以事繫日後先懸隔檢括殊苦其煩因仿國語之例分國類叙聯絡首尾而仍不失編年之舊以便披覽其公穀之辭義可刪者亦因事附見焉

康熙壬辰中秋日玉坡曹基書

兼葦侍先生久凡風簷雨館雪案螢窓以及花之晨月之夕竊見先生手一編呬唔不輟時復會心若將揖古人於千載之上晤語一堂者以故矻矻孜孜几席間丹黃校讐幾無寧晷迄於今年已七十餘矣而耄而好學如此即徐廣之歲讀五經一遍不是過也先生雅負氣節自待甚高見人之姍姍齷齪者避之若浼故於世多怪少可飄然自遠於勢利之場君平棄世世棄君平有自来矣其為文也原本經史而折其衷獨出風裁自成一格不屑拾人牙慧雖著述等身重自矜惜不欲示人

左氏條貫附跋

茲左氏條貫一書兼葦以為便於課誦也力請付諸剞劂以公同好因發篋衍再加參訂得一十八卷仍為志其緣起云

受業門人張

兼百拜識

備考

周姬姓黃帝苗裔后稷始封於邰及夏衰后稷之子不窋失官窋於西戎至太王為狄所逼去豳居岐文武都豐鎬平王東遷洛陽為東周

魯姬姓侯爵文王第四子旦有大勲勞號宰周公留相天子主陝以東成王封其長子伯禽於曲阜至隱公元年為平王之四十九年而春秋始作

鄭姬姓伯爵周厲王少子友始封於鄭在滎陽宛陵西南密邇王畿幽王之難友寄帑於號鄆之間因取二

左氏條貫 備考

國地前華後河而食溱洧在濟西洛東河南潁北四水間謂之新鄭

衛姬姓侯爵武王少弟封食采於康謂之康叔成王誅武庚中分其地以其半立康叔為衛侯

齊姜姓侯爵炎帝裔孫伯益為四岳佐禹治水賜姓曰

姜氏曰呂謂之呂侯至呂望佐武王定天下封營丘

為齊侯

宋子姓公爵商王帝乙之長庶子啓食采於微謂之微子後成王誅武庚中分其地封微子為宋公以奉湯

祀禮樂車服悉仍商舊

秦嬴姓伯爵顓頊之裔大費佐禹平治水土佐舜調馴鳥獸賜姓嬴是為栢翳殷有蜚廉周有造父至十九世非子為周孝王主馬汧渭間孝王分為附庸而邑諸秦傳六世至襄公將兵救周送平王東遷有功封為諸侯

晉姬姓侯爵武王少子叔虞成王母弟也初邑姜方娠有吉夢及生子有文在其手曰虞成王滅唐封之而都於翼平陽絳邑縣東翼城是也傳十一世至昭侯

左氏條貫 備考

封文侯之弟成師於曲沃晉始亂分為二以翼與曲沃別之

楚芊姓子爵顓頊孫重黎為高辛氏火正命曰祝融其苗裔鬻熊為文王師而曾孫熊繹封荊蠻八世至熊渠立其長子康為句亶王中子紅為鄂王少子執疵

為越章王又八世至熊儀為若敖又二世至熊眡為

扮冒又一世熊通為楚武王

吳姬姓子爵周太王長子太伯逃荊蠻號曰句吳端委以治周禮五世至周章而武王因封之吳又十四世

至壽夢而吳始益大稱王

越其先禹之苗裔少康之庶子也封於會稽以奉禹祀後二十餘世至允常始見於春秋允常卒子勾踐立是為越王

曹姬姓伯爵文王子振鐸始受封今濟陰定陶縣是也蔡姬姓侯爵文王子叔度封於蔡監殷殷畔囚於郭鄰子蔡仲率德改行成王復封之

虞姬姓公爵武王克商求太伯仲雍之後得周章已為吳君別封其弟虞仲於周之北故夏墟為諸侯

左氏條貫

備考

三

虢姬姓公爵王季子虢仲文王弟也仲與虢叔為王卿士文王友愛二弟謂之二虢武王克商封仲於虢滅紀姜姓侯爵

邾曹姓子爵陸終之後武王封其苗裔曹挾於邾為附庸今魯國鄒縣是也挾之後夷父顏有功於周封其子友於邾為附庸春秋時邾黎來始朝魯其地在東海昌慮縣東北邾城是也稱小邾

陳媯姓侯爵舜之後封於有虞虞幕裔孫閼父為周陶正王賴之以元女大姬下嫁其子滿而封諸陳使奉

虞祀滿謚胡公

許姜姓男爵堯四岳伯夷之後周封其苗裔文叔於許以續太岳之嗣

左氏條貫

備考

四

例言



孔子作春秋示褒貶故堯夫謂即夫子之刑書而實非也左氏身為史官受業孔子因春秋作傳而獨於言禮處最詳最慎蓋深得夫子立教本旨則謂左傳為左氏之禮書也可

觀韓宣子聘魯見易象春秋嘆曰周禮盡在魯矣早已窺見此意

安上治民莫善於禮固矣其次則兵之所係為綦重左氏於列國兵爭極為留意寓來倍覺精神讀者便

左氏條貫 例言

一

須得其勝負存亡之所以然勿徒作壁上觀可也

古者掌卜占夢各立專官故吉凶禍福歷歷信而有徵後世失其職并失其傳惜哉

怪力亂神聖人所不語左氏每娓娓及之非悖聖教也世衰道微邪惡並起借以示鑒戒云爾

左氏雖曰浮夸然長於叙事用字用句極簡嚴亦極婉麗其轉關揆枕處又極警策只用一二語撝掉便有兔起鶻落之勢長篇短章或斷或續血脉融貫得草蛇灰線之法是誠三史之鼻祖而諸子百家之星

宿海也

列國諸事雜見於十二公之編年前後錯綜繚閱殊難茲為取裁國語之例先標每國於首凡事之係於其國者悉為編入使一國之始末開卷了然而其事之介乎兩國者此收則彼刪可以參考而得

當時一百二十四國其見於春秋者亦寥寥矣蓋弱小之邦多見并於強大故事亦僅見今即其事之相屬者隨所屬之國附載其絕不相蒙者另列於後左傳為舉業先資而讀本每失之太略因為手輯是

左氏條貫 例言

二

編極知割裂成書見識於大雅君子然以脩家塾之誦習則庶幾或有取焉玉坡老人基自識

編是書甫竟見前明孫匡儀名範有左傳分國紀事本末一書是能先得我心者但嫌其提頭處太多甚至另為標目不叙於編年之下者終失聯絡本意則余是編之作尤覺完善云玉坡又書

纂要

周十二王

春秋歷十有四王悼王立未踰年敬王崩在春秋後故止曰十二王

平王

四十九年入春秋

桓王

莊王

僖王

惠王

襄

王

頃王

匡王

定王

簡王

靈王

景王

敬王

魯十二公

隱公

伯禽受封傳二十三世至隱公名息姑魯惠公子

桓公

名執惠公子隱公弟

莊公

名同桓公名啓方

閔公

名啓方

僖公

名申莊公子閔公兄

文

公

名與僖公名僖

宣公

名倭一名接文公子

成公

名黑肱宣公子

襄公

左氏條貫

纂要

名午成

昭公

名稠襄公名子昭公弟

定公

名宋襄公名子昭公弟

哀公

名

子

魯三桓

僖元年

公子友敗莒於鄆公賜季友汶陽之田

四年

公孫茲

侵陳叔孫氏始

十五年

公孫救徐孟孫氏始

亦曰仲孫

晉八卿

智瑩

士匄

荀偃

韓起

欒黶

士魴

魏絳

趙武

又趙衰子范士會子智荀首子荀林父子

魏絳

子莊獻子為六卿又魏斯韓虔趙籍為三卿

鄭七穆

皆穆公子

子展公孫舍之為罕氏子西公孫夏為駟氏子產公

孫僑為國氏伯有良霄為良氏子太叔游吉為游氏

子石公孫段為豐氏伯石印段為印氏

又叔詹堵叔師叔為三良

春秋五始

元者氣之始春者四時之始王者受命之始正月者

政教之始即位者一國之始

齊桓衣裳之會九

莊十三年春會於北杏以平宋亂

宋萬弒君

十四年冬會

左氏條貫

纂要

於鄆宋服故也十五年春復會於鄆齊始霸十六年

冬同盟於幽鄭成也二十七年夏同盟于幽陳鄭服

也僖元年入於樞五年會於首止會王太子鄭謀率

周也七年盟於甯母謀鄭故也九年夏盟於葵丘尋

盟且修好禮也又於貫於陽穀共會十有一又於洮

於鹹於牡丘於淮為兵車之會四

晉悼五會

雞澤 於戚 救陳 於鄆 邢丘

晉悼三駕

襄十年秋伐鄭十一年夏伐鄭秋伐鄭

左氏條貫纂要

三

左氏條貫總目

卷一

周

卷二

魯起隱公至成公止

卷三

魯起襄公至昭公止

卷四

魯起定公至哀公止

左氏條貫總目

卷五

鄭起鄭莊公至簡公上

卷六

鄭起簡公下至定公止

卷七

衛

卷八

齊

卷九

宋

卷十

秦

卷十一

晉起晉獻公至襄公止

卷十二

晉起晉靈公至景公止

卷十三

晉起晉厲公至悼公止

左氏條貫總目

卷十四

晉平公

卷十五

楚起武王至靈王止

卷十六

楚靈王下至惠王止

卷十七

吳越

卷十八

二

曹蔡虞虢紀邾陳梁許

總目終

左氏條貫總目

三

左氏條貫卷一

長洲曹 基德培編次

門人張

兼念凌 典懷鞠 參訂

周

周平王

鄭武公莊公為平王卿士王貳于號鄭伯怨王
曰無之故周鄭交質王子狐為質于鄭鄭公子忽為質
于周王崩周人將昇號公政四月鄭祭足帥師取溫
之麥秋又取成周之禾周鄭交惡君子曰信不由中質
無益也明恕而行要之以禮雖無有質誰能間之苟有
明信澗谿沼沚之毛蘋蘩蕰藻之菜筐筥錡釜之器潢

左氏條貫卷一 周

周桓王

汙行潦之水可薦于鬼神可羞于王公而況君子結二
國之信行之以禮又焉用質風有采蘋采蘋雅有行葦
洞酌昭忠信也
隱公鄭伯如周始朝桓王也王不禮
焉周桓公言于王曰我周之東遷晉鄭焉依善鄭以勸
來者猶懼不說也況不禮焉鄭不來矣
桓公五年王奪鄭
伯政鄭伯不朝秋王以諸侯伐鄭鄭伯禦之王為中軍
號公林父將右軍蔡人衛人屬焉周公黑肩將左軍陳
人屬焉鄭子元請為左拒以當蔡人衛人為右拒以
當陳人曰陳亂民莫有關心若先犯之必奔王卒顧之

周平王

周桓王

必亂蔡衛不枝固將先奔既而萃于王卒可以集事從
之曼伯為右拒祭仲足為左拒原繁高渠彌以中軍奉
公為魚麗之陳先偏後伍伍承彌縫司馬法車戰二十
前以仇犬之承偏之隙而彌縫戰于繻葛命二拒曰槍
動而鼓蔡衛陳皆犇王卒亂鄭師合而攻之王卒大敗
祝聃射王中肩王亦能軍祝聃請從之公曰君子不欲
多上人況敢陵天子乎苟自救也社稷無隕多矣夜鄭
伯使祭足勞王且問左右
桓公八年周公欲弑莊王而
立王子克
莊王弟辛伯告王遂與王殺周公黑肩王子

左氏條貫卷一 周

克奔燕初子儀有寵于桓王桓王屬諸周公辛伯諫曰
並后匹嫡兩政耦國亂之本也周公弗從故及
十八年春號公晉侯朝王王饗禮命之宥
以幣物皆賜玉五
穀馬三匹非禮也王命諸侯名位不同禮亦異數不以
禮假人
莊公十年初王姚
嬖于莊王生子頹子頹
有寵焉國為之師及惠王即位取焉國之間以為圍邊
伯之宮近于王宮王取之王奪子禽視跪與詹父田而
收膳夫
石之秩故為國邊伯石速詹父子禽視跪作亂
因蘇氏秋五大夫奉子頹以伐王不克出奔溫蘇子奉

子頹以奔衛衛師燕師伐周冬立子頹

莊公二年春

伯和王室不克執燕仲父夏鄭伯遂以王歸王處于櫟

秋王及鄭伯入于鄆遂入成周取其寶器而還冬王子

頹享五大夫樂及徧舞鄭伯聞之見號叔曰寡人聞之

哀樂失時殃咎必至今王子頹歌舞不倦樂禍也夫司

寇行僂君爲之不舉而況敢樂禍乎奸王之位禍孰大

焉臨禍忘憂憂必及之蓋納王乎號公曰寡人之願也

莊公二年春晉命于弭鄭地夏同伐王城鄭伯將王自圍

門入號叔自北門入殺王子頹及五大夫鄭伯享王于

左氏條貫卷一周

三

關西辟也樂備王與之武公之略自虎牢以東原伯曰

鄭伯效尤其亦將有咎五月鄭厲公卒王巡號守號公

爲王宮于玆王與之酒泉鄭伯之享王也王以后之聲

鑑予之號公請器王予之爵鄭伯由是始惡于王冬王

歸自號莊公三年秋七月有神降于莘號地惠王問諸內

史過曰是何故也對曰國之將興明神降之監其德也

將亡神又降之觀其惡也故有得神以興亦有以亡虞

夏商周皆有之王曰若之何對曰以其物享焉其至之

日亦其物也若以甲乙日至祭先期王從之內史過往

周書

聞號請命求土反曰號必亡矣虐而聽于神神居莘六

月號公使祝應宗區史鬻享焉神賜之土田史闕曰號

其亡乎吾聞之國將興聽于民將亡聽于神神聰明正

直而壹者也依人而行就多涼德其何土之能得公信

年七閏月惠王崩襄王惡大叔帶襄王弟之難懼不立不發

喪而告難于齊僖公十一年天王使召武公內史過賜晉

侯惠公命受玉情過歸告王曰晉侯其無後乎王賜之命

而情于受瑞先自棄也已其何繼之有禮國之幹也敬

禮之與也不敬則禮不行禮不行則上下昏何以長世

左氏條貫卷一周

四

夏楊拒泉臯伊維之戎同伐京師入王城焚東門王

子帶召之也秦晉伐戎以救周秋晉侯惠公平戎于王

僖公十年齊侯使仲孫湫聘于周且言王子帶齊侯事

畢不與王言不言子帶事歸復命曰未可王怒未忘其十年

乎不十年王弗召也僖公十二年初平王之東遷也幸有

適伊川見被髮而祭于野者曰不及百年此其戎乎其

禮先亡矣秋秦晉遷陸渾之戎于伊川富辰言于王

曰請召犬叔詩曰協比其鄰昏姻孔云吾兄弟之不協

焉能怨諸侯之不睦王說王子帶自齊復歸于京師王

召之也。傳公二鄭之入滑也。滑人聽命。師還。又卽衛

鄭公子士洩堵俞彌帥師伐滑。王使伯服游孫伯如鄭

請滑。鄭伯怨惠王之入而不與屬公。將也。又怨襄王之

與衛滑也。故不聽王命而二子王怒。將以狄伐鄭。富

辰諫曰。不可。臣聞之。犬上以德撫民。其次親親。以相及

也。昔周公弔二叔。夏商二代之叔世之不咸。故封建親戚以

蕃屏周。管蔡郕霍魯衛毛聃邰雍曹滕畢原鄭郕文之

昭也。邠齊應韓武之穆也。凡蔣邢茅胙祭。周公之胤也。

召穆公思周德之不類。故糾合宗族于成周而作詩曰。

左氏條貫卷一 周

常棣之華。鄂不韡韡。凡今之人。莫如兄弟。其四章曰。兄

弟鬪于牆。外禦其侮。如是。則兄弟雖有小忿。不廢懿親。

今天子不忍小忿。以棄鄭親。其若之何。庸勳親親。嘏近

尊賢德之大者也。卽聾從昧。與頑用。歸茲之大者也。棄

德崇茲禍之大者也。鄭有平惠之勳。平王東遷晉鄭是依惠王奔號鄭納

之。又有厲宣之親。鄭桓公爲厲王棄嬖寵子華而用

三良。叔詹堵叔于諸姬爲近四德具矣耳不聽五聲之和

爲聾目不別五色之章爲昧心不則德義之經爲頑口

不道忠信之言爲闇狄皆則之。四姦具矣。周之有懿德

也。猶曰。莫如兄弟。故封建之。其懷柔天下也。猶懼有外

侮。扞禦侮者。莫如親親。故以親屏周。召穆公亦云。今周

德既衰。于是乎又淪周召。以從諸姦。無乃不可乎。民未

忘禍。王又興之。其若文武何。王弗聽。使顏叔桃子出狄

師。夏狄伐鄭。取櫟。王德狄人。將以其女爲后。富辰諫曰。

不可。臣聞之曰。報者倦矣。施者未厭。狄固貪惓。王又啓

之女。德無極。婦怨無終。狄必爲患。王又弗聽。初甘昭公

帶。王有寵于惠后。惠后將立之。未及而卒。昭公奔齊。王

復之。又通于隗氏。卽狄后王替隗氏。顏叔桃子曰。我寔使

左氏條貫卷一 周

狄狄其怨我。遂奉犬叔以狄師攻王。王御士將禦之。王

曰。先后其謂我何。寧使諸侯圖之。王遂出。及坎飲。國人

納之。秋。顏叔桃子奉犬叔以狄師伐周。大敗周師。獲周

公忌父。原伯毛伯富辰。王出適鄭。處于汜。犬叔以隗氏

居于溫。冬。王使來告難。曰。不穀不德。得罪于母弟之

寵。子帶。鄙在鄭地汜。敢告叔父。臧文仲對曰。天子蒙塵

于外。敢不奔問。官守王使簡師父告于晉。使左鄆父告

于秦。天子無出書曰。天王出居于鄭。辟母弟之難也。天

子凶服降名禮也。鄭伯與孔將鉏石甲父侯宣多省視

官具于汜而後聽其私政禮也

傳公二十五年

上將納王狐偃言于晉侯曰求諸侯莫如勤王諸侯信之且大義也繼文之業而信宣于諸侯今為可矣使卜

偃卜之曰吉遇黃帝戰于阪泉之兆公曰吾不堪也對曰周禮未改今之王古之帝也公曰筮之筮之遇大有

之睽曰吉遇公用享于天子之卦戰克而王享吉孰大焉且是卦也天為澤以當日天子降心以逆公不亦可

乎大有去睽而復亦其所也晉侯辭秦師而下三月甲辰次于陽樊右師圍溫左師逆王夏四月丁巳王入

左氏條貫卷一周

于王城取犬叔于溫殺之于隰城戊午晉侯朝王王饗

禮命之有請隨弗許曰主章也未有代德而有二王亦

叔父之所惡也與之陽樊溫原攢茅之田晉于是始啓

南陽陽樊不服圍之倉葛呼曰德以柔中國刑以威四

夷宜吾不敢服也此誰非王之親姻其俘之也乃出其

民冬晉侯圍原命三月之糧原不降命去之謀出曰原

將降矣軍吏曰請待之公曰信國之寶也民之所庇也

得原失信何以庇之所亡滋多退一舍而原降

冬王使周公問來聘饗有昌歜昌蒲白白蒿黑黑黍形形鹽

年

左氏條貫 卷一

周定王

成公元年王師敗績于員

漢

形象 辭曰國君文足昭也武可畏也則有備物之享以

象其德薦五味羞嘉穀鹽虎形以獻其功吾何以堪之

宣公十 六年 為毛召之難故王孫蘇與召氏毛氏爭政使

冬晉侯使士會平王室定王享之原襄公相禮殺殺

于武子私問其故享當體薦而殺故問之王聞之召武子曰季氏

而弗聞乎王享有體薦牛解其體而宴有折俎體解節

俎使可食示惠公當享卿當宴王室之禮也武子歸而講求典

禮以修晉國之法

穀梁子曰不言戰莫之敢敵也為尊者諱敵不諱敗

左氏條貫卷一周

為親者諱敗不諱敵尊尊親親之義也然則孰敗之

晉也

成公 二年 晉侯使鞏朔獻齊捷于周王弗見使單襄公辭焉

曰蠻夷戎狄不式王命淫泆毀常王命伐之則有獻捷

王親受而勞之所以懲不敬勸有功也兄弟甥舅侵敗

王略敗王之法王命伐之告事而已不獻其功所以敬親

瞻禁淫慝也今叔父克遂有功于齊而不使命卿鎮撫

王室所使來撫余一人而鞏伯實來未有職司于王室

又奸先王之禮余雖欲于鞏伯其敢廢舊典以忝叔父

周書

夫齊甥舅之國也。而大師之後也。寧不亦淫從其欲。以怒叔父。抑豈不可諫誨。士莊伯朝不能對。王使委于三吏。天子禮之。如侯伯克敵。使大夫告慶之。禮降于卿。禮之吏一等。王以鞶伯宴。而私賄之。使相相禮告之曰。非禮也。勿籍。勿以爲典成公十三年。公如京師。宣伯如欲賜。請先使王以行人之禮禮焉。孟獻子從。王以爲介。而重賄之。公及諸侯朝王。遂從劉康公。成肅公會晉侯。伐秦。成子受脤于社。脤宜社之肉出不敬。劉子曰。吾聞之。民受天地之中。以生。所謂命也。是以有動作禮義威儀之則。以

左氏傳貫卷一

九

姓從王。牲用備具。王賴之。而賜之駢旄。赤亦無失職。若第門閭實其能。來東底乎。且王何賴焉。今自王叔之相也。政以賄成。而刑放于寵官之師。旅不勝其富。吾能無第門閭實乎。唯大國圖之下。而無直。則何謂正矣。范宣子曰。天子所右。寡君亦右之。所左。亦左之。使王叔氏與伯與合要。合天子左王叔氏不能舉其契。王叔奔晉。不書。不告也。單靖公爲卿士。以相王室。襄公三十年初。王僖季卒。靈王弟其子括將見王。而歎。單公子愆期。爲靈王御士。過諸廷。聞其歎而言曰。烏乎。必有此夫。入

左氏傳貫卷一

十

以告王。且曰。必殺之不感。而願大視。躁而足高。心在他矣。不殺必害王。曰。童子指愆何知。及靈王崩。僖括欲立王子倭夫。靈王子倭夫不知。戊子。僖括圍蒍。遂成愆。爲邑大成愆。奔平時。五月癸巳。尹言多。劉毅車戔。甘過。章成。皆周大夫。殺倭夫。括瑕。廖奔晉。書曰。天王殺其弟倭夫。罪在王也。昭公元年天王使劉定公勞趙孟于穎。館于雒汭。劉子曰。美哉禹功。明德遠矣。微禹。吾其魚乎。吾與子弁冕。端委以治民。臨諸侯。禹之力也。子盍亦遠績禹功。而大庇民乎。對曰。老夫罪戾是懼。焉能恤遠。吾儕偷食。朝不